

臺灣文獻史料叢刊

第六輯

閩海閩海

上海紀
海

見

紀聞
紀輯

要錄略要

(合訂本)

臺灣大通書局印行

臺灣文獻叢刊第二四種

海上見聞錄

阮
旻
錫

七月，命兵官張光等往倭國借兵，以船載黃藥寺僧隱元及其徒五十衆；時倭人教誨隱元，故黃與俱往。隱元嘗與倭國王而不及上將軍主國政者，故兵不發。

九月，詔兵民家眷俱回思明州。

十月，清弔將軍達素回京聞罪，案在省吞金而死。滿兵回京，水師船隻俱入港歸岸。

監國魯王遷於金門所。

辛丑，順治十八年（是歲，順治駕崩，康熙登極）、海上稱永曆十五年。

正月，賜姓議取臺灣。其地在東南海中，延亘數千里，土番雜處。天啓年間，歐羅巴紅夷占居之，於港口築城，與中國、日本、廣南貿易。海邊貧民流寓者，種蔗煮糖爲業，殆數千戶。時紅夷亦恐海上動兵，故於庚子春復遣通事舍人何斌及其會長再來議貢。何斌密進地圖，勸賜姓取之。賜姓陳兵自鎮南關至院東，依山布陣，凡十餘里，甲兵數萬；周全斌統轄戎旗兵七千，皆衣金龍甲，軍威甚盛；夷人震懾。至是，進兵。諸將雖不違阻，俱有難色；宣毅後鎮吳豪曾到其地，力言港淺大船難進，且水土多瘴癘。賜姓含之；惟戎政楊朝棟倡言可取，賜姓納之。

二月，賜姓駐金門，整理船隻。以兵官洪旭、前提督黃廷居守思明州，戶官鄭泰居守金門所。

二月初一日，祭江。賜姓督文武官親軍武衛周全斌、何義、陳蟒、提督馬信、鎮將楊富、蕭拱宸、黃昭、陳澤、吳豪、林瑞、張志等作首程先行，令守澎湖。遊擊洪暄引港，各船俱駕到料羅灣聽令開駕。二十二日午時，自料羅灣放洋。二十四日，各船齊到澎湖，分各嶼駐紮，賜姓紮營內嶼。二十七日，開船到甘吉嶼，阻風而同。三十日晚，風雨未息，賜姓以行糧已盡，傳令一更後開駕；三更後，晴霽風順。

四月初一日天明，賜姓至臺灣外沙線，各船絡繹俱至鹿耳門線外。此港甚淺，沙壘重疊，大船從無出入，故夷人甚防備。是日水漲丈餘，賜姓下小船，由鹿耳門登岸。午後大艚船齊進，泊水寨港，登岸紮營。令陳澤督虎衛將坐銃船紮鹿耳門，牽制紅夷甲板船，并防北線尾。守赤嵌城夷長貓雞實町發礮擊盤營并舵馬厰栗倉；賜姓恐焚及赤嵌衛，令楊朝棟督張志官兵防禦看守。初三日，陳澤紮營北線尾。守臺灣城夷長揆一見官兵來齊，遣頭目拔鬼仔率鳥銃兵數百前來衝擊。陳澤迎戰，一鼓殲之，拔鬼仔戰死，餘夷退走。初四日，赤嵌城夷長貓雞實町以城孤救之，賜姓遣楊朝棟招諭之，遂率夷人三百餘民出降。賜姓令赤嵌夷招夷長揆一等來降，不從。時夷人尚有甲板船在港，令陳澤、陳廣等攻之，沉其一隻，焚其一隻，走回一隻。賜姓督師移紮崑身，築土臺駕礮攻臺灣城。揆一等於附城、銃城齊放大銃，頃刻土臺崩壞，官兵退回。夷人出城奪礮，馬信、劉國軒率弓箭手射之，乃退。賜姓遂令赤嵌降夷架銃擊城，崩之。派馬信等紮臺灣衛

，固守不攻，俟其自降。

派各鎮分紮汛地屯墾。

五月初二日，二程黃安、劉俊、顏望忠、陳瑞、胡靖、陳璋等俱到臺灣。

賜姓集文武各營，審宣毅後鎮吳豪搶掠百姓、監匿米粟，斬之；右虎衛陳蟒同罪，網責革職。以黃安管左虎衛。

改赤嵌地方爲東都（原刊爲郡），設一府、二縣。以府爲承天府，以楊朝棟爲府尹。一爲天興縣，委（莊）文烈知縣事；一爲萬年縣，委祝敬知縣事。

六月十六日，銅山守將蔡祿、郭義搶掠居民，脅忠匡伯張進投誠於清；進詐許，置酒請會，欲發火藥與之俱焚；蔡、郭知之不赴，張進遂放火自焚。初，後提督萬禮密約海澄公黃梧，欲據思明州以叛，後隨征南京，被獲而死，已祀忠臣祠矣。及事泄，賜姓出其木主。蔡、郭是其黨也，故懼而叛。清兵入銅山城，兵官洪旭會同忠勇侯陳豹統水師擊之，蔡、郭同清兵退走。報至，賜姓拔總監營翁天祐鎮守，而厚卹張進之家。

七月，紅夷會甲板船至。弔右武衛前協黃德挈守臺灣衛，名其衛爲安平鎮。

張志、黃招等激變大肚社土番，楊祖與戰，中樑鎗死。土番圍張志營，黃安、陳瑞等攻破之。

八月，紅夷率甲板船來犯。賜姓令陳澤同戎旗左右協水師擊敗之，獲甲板船二隻、

小艇三隻。自是甲板船退入臺灣，不敢復出。

京中命戶部尙書蘇納海至閩，遷海邊居民之內地；離海三十里村莊田宅，悉皆焚棄。先是，達素兵至，賜姓令思明州搬空，其先人來降者（？），家眷乘隙皆渡海逃去。原任左提督慶都伯王秀奇逃回江南，埋名不出。原任漳州府知府房星曄者，爲索國舅門館，遂逃入京，使其弟候補通判房星曜上言，以爲海兵皆從海邊取餉，使空其土而徙其人，寸（原文爲十）板不許下海，則彼無食而兵自散矣；悉從其策。陞房星曜爲道員，病死無嗣。至是，上自遼東、下至廣東皆遷徙，築垣牆、立界石，撥兵戍守；出界者死。百姓失業流離，死亡者以億萬計。

蘇納海歸，薦同安總鎮施琅爲水師提督，移鎮海澄。

十月，同安侯鄭芝龍爲其家人尹文器出首通海。時，康熙新卽位，四輔蘇克薩與龍有隙，以初三日殛芝龍於柴市，又殺其子孫家眷凡十一人。報至，賜姓叱爲妄傳，中夜悲泣，居常鬱悒。

十二月，守臺灣城夷長揆一等乞以城歸賜姓，而搬其輜重貨物下船，率餘夷五百餘人駕甲板船遠去。

賜姓遂有臺灣，改名東寧。時以各社土田，分給與水陸諸提鎮，而令各搬其家眷至東寧居住；令兵丁俱各屯墾。初至，水土不服，疫癘大作，病者十之七八，死者甚多。

加以用法嚴峻，果於誅殺：府尹楊朝棟以小斗散糧，殺其一家；又殺萬年縣知縣祝敬，家屬發配。於是人心惶懼，諸將解體。

壬寅，康熙元年，海上稱永曆十六年。

正月，國姓嚴諭嚴春。鄭泰、洪旭、黃廷等皆不執行，於是不發一船至臺灣。而差船來弔監紀洪初國等十人，分管番社；皆留住不往，島上信息隔絕。

三月，令周全斌調劍山、思明州兵攻南寧，欲擒陳豹。豹短小精悍，號「三尺險」，守粵近二十年，詐國、蘇利皆畏之。豹驕傲專恣，數違諸令。兵至，倉卒率眾擊下船，不敵十分迎敵。楊帆入廣東投誠，封爲嘉化伯。未幾，病疫而死。

四月，國姓遣兵官楊都事到思明州，奉令簡欲殺董夫人及其長子經，以與乳母生子之故。洪旭等不肯奉令簡，殺楊都事。而政府周全斌率諸欲殺諸將十餘人，於是人人自危。洪旭等使周全斌船回廈門港，即執而拘之；黃昌勳鄭泰殺之，全斌求救於董夫人。洪旭亦依回，乃得免。

五月初八日，國姓招討大將軍親於東寧，年三十有九。提督馬信及諸鎮將黃昭等議以其弟鄭世襲護理大將軍印。未幾，馬信、黃安皆病故。世襲以黃昭、鄭拱宸爲腹心，拔劉國軒管鎮事，謀自立。報至思明州，鄭泰、洪旭、黃廷、工官馬澄世、參軍蔡鳴雷等立長子經爲嗣，稱世子，廢棄即位。

正兵鐵陣昇先約降。

十一月，世藩率周全斌等會兵船於金門。紅夷船高而大，一船有大小領錢千餘號，橫絕中流。是日戰聲如雷，自辰至酉，相繼不絕。世藩見勢不敵，棄船退出港（原刊爲梧）嘴。周全斌等十三號船在後，迫於船長不得出，遂遇夷船之後，衝大鼓而入；夷船發砲齊擊，無一中者。馬得功坐鳴礮中軍船，全斌以爲鳴礮也，直前攻之。值黃廷中軍將吳朝率、世藩之親軍蕭來龍前後夾攻，揮兵過船，得功親隨鐵甲精兵三百人，皆被殺下水，得功頓足投水死。再攻楊富船，焚之，富亦投水，遇救得免。所遇之船，多被攻沒，遂揚帆直出。日暮收兵；而海上不知馬得功之死，竟棄兩島，退守銅山。誘兵入島，島中民尚數十萬，多遺白刃；投誠兵復肆殺掠，其地遂空。

甲辰，康熙三年、海上稱永曆十八年。

正月，世藩駐銅山，諸軍乏糧。周全斌率衆投誠，入京封伯。洪旭以杜輝守南澳，輝亦掠其輜重投誠。

三月，世藩率衆回東寧。工官馮澄世一船爲家丁所迫，赴海死。洪旭以二十舟候黃廷同行，而廷部下將士多不願行，遂率衆投誠。

八月，清議取臺灣，遣施琅掛「靖海將軍」印，卽以周全斌副之。整舟師，候風開洋。

乙巳，康熙四年、海上稱永曆十九年。

四月，清官軍船出洋，颶風大作，各船飄散，不能相顧，皆引還。未幾，召施琅入京，其降將多敘用。

丁未，康熙六年、海上稱永曆二十一年。

部議分撥海上投誠官兵移駐外省，召周全斌入京歸旗。其標下官兵及別鎮兵各給行糧，分駐各省屯墾荒田；給以牛種，免其六年租稅。其將領或督墾、或撥各衙門効用；文官赴部候補。

己酉，康熙八年、海上稱永曆二十三年。

世藩在東寧，以陳永華理政、馮錫範管侍衛、劉國軒等管兵。忠振伯洪旭病故，其子磊及永華之姪繩武等俱任用。

改天興、萬年二縣爲州，置鳳山、諸羅二縣。課耕種，安撫土番，貿易外國，通魚鹽。向之憚行者，今皆爲樂土焉。

清遣官渡海招撫。世藩請照朝鮮國例，不剃頭、不登岸；議竟不成。

癸丑，康熙十二年、海上稱永曆二十七年。

十一月，吳三桂反，陷雲南、貴州、四川、河南、岳州諸郡縣，僞稱大周元年。初，平南王統帥鄭老道東，留子之信襲職鎮守；許之，并令舉家歸廣。時平西、靖南相繼

十月，賓客司傳爲霖通請事發，逃亡；二十八日，獲之。

十一月，諜傳爲霖及高壽、陳國威等，盡殺其子弟。令沈瑞自經，家屬發配。

總督施上疏請攻臺灣，力薦內大臣施琅可任水師提督；萬提督嘗臺灣難攻，且不必攻。朝命召見施琅，仍以靖海將軍充水師提督，改萬正色爲陸師提督代諸遇。

壬戌，康熙二十一年，海上稱永曆三十六年。

正月，施將軍出京至閩，於廈門各處調兵整船。劉國軒以統船十九號，戰船六十餘號，兵六千人，撥諸將守澎湖；親身往來督視。

施將軍請命事征，奉旨相機進取。

十二月，承天府災，沿燒一千六百數十餘家。米價騰貴，民不堪命。

癸亥，康熙二十二年，海上稱永曆三十七年。

六月，諸將進攻澎湖。國軒禦之；列大礮，架巨艦數十以待。諸將皆望風而遁，惟提標藍理、曾成、張勝、正黃旗侍衛吳勝爵及游擊趙邦試、許英、阮欽冒險深入臺歌。海船齊出，已合圍；施將軍恐有失，急以坐駕衝入。內外合攻，敵小却，將軍遂同七船隨流而出。時天色將晚，遂在西嶼頭洋中拋泊。

十八日早，舟次於八罩，以收諸軍。國軒聞而喜曰：「難謂施琅能軍！」蓋以澎湖數起大風，無三日晴朗；遇大風，舟立壞故也。然停泊數日，浪靜無風，亦天意也。

重兵入險，有慮否？」對曰：「海上既敗之餘，無與共亂者。但恐總督遲遲，議論不一，或軍中變耳。若總督與提督能一心共濟，事可萬全。今提督保督區保舉，必傾其心，指日可定；如兩奔敗之餘，再置緩督，敢拒區職，必無之理」。上悅；自解所御龍袍并試時以賜提督，加授靖海將軍，封靖海侯，以示酬庸焉。

八月十五日，施將軍統率大師至臺灣，百姓壺漿相繼於路；海兵皆預製清朝旗號，以迎王師。十月十七日，侍衛自京回至軍前，啣命申告，軍民莫不以手加額。

部議以臺灣番民雜處、山海要津，設總兵一員、副將二員統水陸官兵一萬鎮守之。設道官一員、一府、三縣，以統治百姓及番衆。府曰臺灣府，附郭爲臺灣縣，南路爲鳳山縣，北路爲諸羅縣。建置既定，經畫事竣。

十月，世子與馮、劉、何併眷口登舟。十一月初六日，至泉州。初七日，從省進京。

十二月，總督姚啓聖病故。克塽至京，封爲漢軍公；弟克舉准開牛景，叔鄭聰等俱食三品、五品官俸，隨旗。馮、劉俱封伯。國軒隨補天津衛總兵；其子准開牛景。

自丁亥永曆元年起至癸亥永曆三十七年止，海上始末俱載於此，以備採擇焉。取臺灣一節，行文多似敘事，而又多載諸人口中語，與本錄是兩樣筆；今兩存之。